



Pou Piblikasyon Imedya: 11/07/2023

GOUVÈNÈ KATHY HOCHUL

**GOUVÈNÈ HOCHUL ANONSE PLIS PASE 51 MILYON DOLA POU AMELYORE
PWOTEKSYON AK SEKIRITE ÒGANIZASYON KI GEN RISK POU SIBI KRIM
RAYISANS YO, PI GWO MONTAN ETA A TE JANM BAY**

*Finansman pou plis pase 1,000 pwojè disponib atravè pwogram sibvansyon Eta a
ap sekirize kominote yo kont krim rayisans lan*

*Pou premye fwa, òganizasyon san bi likratif, òganizasyon kominotè yo ta ka
aplike pou sibvansyon pou amelyore sibèsekirite*

*Gouvènè Hochul siyen lejislasyon S.2060-A/A.3694-A tou pou ranfòse
envestigasyon kont krim rayisans ak egzijans pou rapòte yo sou kanpis Invèsite
a*

Gouvènè Kathy Hochul te anonse jodi a gen plis pase 51 milyon dola sibvansyon pou ranfòse mezi pwoteksyon ak sekirite nan òganizasyon san bi likratif, òganizasyon kominotè yo ki gen risk pou sibi krim rayisans oswa atak akoz ideyoloji, kwayans, oswa misyon yo. Finansman sa se pi gwo montan ki janm disponib atravè Sibvansyon 'Eta a ap sekirize kominote yo kont krim rayisans', epi pou premye fwa, sa ta ka itilize pou ranfòse sibèsekirite yon òganizasyon. Anplis anons nivo rekò finansman an, Gouvènè Hochul te siyen lejislasyon (S.2060-A/A.3694-A) k ap ranfòse envestigasyon ak egzijans rapò pou ensidan krim rayisans ki fèt sou kanpis inivèsite yo.

"Pa gen plas pou rayisans nan eta nou an, epi n ap kontinye fè tout sa ki posib pou asire ke chak Nouyòkè an sekirite kont vvolans san fondman ki soti nan prejije," **Gouvènè Hochul te deklare.** "Sa se yon envestisman istorik nan kominote ki bezwen èd nou pi plis yo, epi avèk finansman sa yo, òganizasyon ki gen plis risk nan New York yo ap kapab envesti nan mezi sekirite yo bezwen pou rete an sekirite. Fas ak kritik ak vvolans degoutan, mwen vle klè sou sa: nou pa pè. Si ou atake youn nan nou, ou atake nou tout — epi okenn moun pa genyen konba kont Nouyòkè yo."

"New York te toujou sèvi kòm yon refij pou moun tout orizon, epi anons jodi a demonstre pi plis angajman regilye nou pou asire ke eta nou an rete youn nan eta tolerans ak akseptasyon," **Gouvènè Adjwen Delgado te deklare.** "Administrasyon nou an ap toujou defann valè ki defini nou antanke Nouyòkè, epi antanke prezidan Inite

Prevansyon Rayisans ak Prejije a, mwen espesyalman fyè de envestisman enpòtan sa."

Gouvènè Hochul te anonse sibvansyon an epi siyen lejislasyon an nan yon seremoni nan Mize Eritaj Jwif la nan Vil New York, kote ofisyèl eli yo, lidè kominotè ak defansè yo te rejwenn li. Depatman polis ak biwo cherif yo te rapòte 947 krim rayisans nan Eta a nan 2022, ki se krim ki pi rapòte nan senk ane ki pase yo, ak yon ogmantasyon 20 pouzan pa rapò ak 2021. [Done krim rayisans ajans polis yo te rapòte](#) bay Eta a disponib anliy.

Sekirize Kominote yo Kont Krim Rayisans (Securing Communities Against Hate Crimes, SCAHC):

Divizyon Sèvis Jistics Penal (Division of Criminal Justice Services) Eta New York, ki administre Pwogram Sekirize Kominote yo kont Krim Rayisans lan, te akòde finansman pou 497 òganizasyon nan tout eta a, pou 1,081 pwojè ki bay yon total 51,680,910 dola, avèk 8,899,091 dola ki prale nan 187 pwojè sibèsekirite. Y ap avize aplikan ki reyisi yo de sibvansyon yo a apati jodi a. Gouvènè Hochul [te anonse disponiblité finansman sa](#) sezon otòn pase a. Bidjè Ane Fiskal 2024 la bay 25 milyon dola adisyonèl pou sibvansyon pou Sekirize Kominote yo Kont Krim Rayisans yo. Yo prevwa rann pwochen faz finansman sibvansyon an disponib atravè yon apèl dòf pou aplikan yo nan desanm 2023.

Pwogram Sibvansyon Sekirize Kominote yo Kont Krim Rayisans lan, ki te kreye an 2017, bay finansman pou ranfòse mezi sekirite yo epi anpeche krim rayisans kont sant kominotè san bi likratif ak sivik yo, mize kiltirèl, sant gadri, ak lòt òganizasyon san bi likratif ki ka vilnerab akòz ideoloji, kwayans, oswa misyon yo. Finansman sa a ka itilize pou sipòte amelyorasyon sekirite eksteryè oswa enteryè, ki gen ladan men pa limite a eklérage, kadna, alam, bouton panik, kloti, baryè, kontwòl aksè, vè ki pa ka kase, fim anti eksplozyon, sistèm adrès publik, epi pou premye fwa a, mezi pou ranfòse sekirite sibè. Finansman yo ka kouvri tou depans ki asosye ak fòmasyon sekirite.

Mezi sa yo apiye aksyon anvan Gouvènè Hochul yo pou konbat epi ede prevni prejije. Nan mwa desanm 2022, Gouvènè Hochul te lanse yon Inite Prevansyon Rayisans ak Prejije nan tout eta a nan Divizyon Dwa Zimen Eta New York la. Inite a chaje pou mobilize rapidman pou soutni kominote kote yon ensidan rayisans ak prejije te fèt epi òganize konsèy anti prejije nan chak rejyon eta a. Konsèy sa yo, ki prezide pa Gouvènè Adjwen Antonio Delgado, bay yon plas pou manm kominote a pataje preyokipasyon yo, òganize pwogram edikasyon, òganize evènman prevansyon krim rayisans ak gerizon kominotè yo, reyalize fòmasyon nan rezolisyon konfli, epi fasilitate depo plent yo avèk Divizyon an ak lòt ajans ki konsène yo. Nan mwa me 2023, Gouvènè Hochul te konvoke premye Somè Inite eta a, ki reyini ansanm 500 reprezentan nan òganizasyon kominotè, fòs lòd, ak gwoup reliye yo pou panèl diskisyon ak konvèrsasyon sou fason pou travay ansanm pou prevni rayisans.

Komisè Divizyon Sèvis Jistis Kriminèl (Division of Criminal Justice Services, DCJS) Eta New York la, Rossana Rosado, te deklare, "Nou fyè pou nou kapab asire ke Nouyòkè ak vizitè yo menm jan, kèlkeswa kwayans, ide, oswa fason yo viv, ka viv san rayisans. DCJS angaje pou sipòte òganizasyon kominotè ki konnen katye yo pi byen. Atravè finansman sa, òganizasyon yo ap prepare epi pwoteje pi byen pou bay sèvis sa yo nan tout sekirite epi nan fason efikas. Mèsi Gouvènè Hochul, dèské ou kanpe kont krim rayisans yo epi paske ou demontre anpil fwa ankò ke lahèn pa gen plas nan Empire State la."

Komisè Divizyon Dwa Moun Eta New York la, Maria L. Imperial, te deklare, "Mwen bat bravo pou Gouvènè Hochul ak administrasyon sa pou mezi enpòtan sa yo. Li vital ke òganizasyon kominotè santral nan lavi sivik nou gen kapasite pou konbat rayisans ak prejije epi ke efò nou pou prevni ensidan sa yo enfòme pa done ki egzak. Divizyon Dwa Zimen an fyè pou pote chaj sa nan non tout Nouyòkè."

Krim rayisans yo rapòte sou kanpis inivèsite yo

Lejislasyon S.2060-A/A.3694-A a amande lwa sou edikasyon an pou egzije yon komite konsilitatif nan inivèsite sou sekirite kanpisla pou verifye politik ak pwosedi aktyèl yo pou edike kominote kanpis la sou prejije ki lye ak krim rayisans, rapòte krim rayisans yo, epi asiste viktim yo pandan envestigasyon sou krim rayisans yo. Lejislasyon sa aktyalize pwosedi pou difize enfòmasyon tou sou estatistik krim sou kanpis yo, epi egzije rapò ak publikasyon deli krim rayisans yo espesyalman. Li egzije pou yo rann enfòmasyon sa disponib sou sitwèb inivèsite a, pa sèlman pou bay enfòmasyon sou kijan pou gen aksè nan li nan katalòg kanpis la, manyèl ak liv elèv la ankò. Kounye a, y ap egzije inivèsite yo tou pou adopte yon plan pou bay envestigasyon sou krim rayisans sou kanpis yo epi enfòme etidyan k ap vini yo sou mezi prevansyon krim rayisans yo.

Lejislasyon sa ap egzije inivèsite ki resevwa finansman eta a pou modènize epi amelyore publikasyon krim rayisans ki fèt sou kanpis yo. Pou asire ke elèv yo rete an sekirite sou kanpis inivèsite yo nan New York, pwojè lwa a kreye tou yon obligasyon ki klè sou pati nan inivèsite yo pou mennen envestigasyon sou potansyèl krim rayisans epi rapòte yo bay fòs lòd yo. Pwojè lwa sa ta ranfòse tou rapò ak lwa sou publikasyon enfòmasyon ki egziste yo pou idantifye epi abòde krim prejije yo sou kanpis inivèsite yo.

Rektè SUNY an, John B. King, Jr., te deklare, "Lahèn ak entolerans pa gen plas yo nan New York, epi akoz pou santaj krim lahèn kontinye ap ogmante atravè peyi nou an—souvan ki baze sou ras, etnisite, relijyon, oryantasyon seksyèl, idantite sèks, oswa enfimite—nou kontan pou wè Gouvènè Hochul itilize tout mwayen ki posib pou sekirize Nouyòkè yo. SUNY angaje pou asire sekirite ak sans apatenans tout manm yo sou kominote kanpis la, epi n ap kontinye apiye efò nou pou enfòme, sipòte, epi pwoteje etidyan SUNY yo, fakilte ak pèsonèl la."

Rektè CUNY an, Félix V. Matos Rodríguez te deklare, "CUNY te pran mezi nan kòmansman ane sa pou rann li pi fasil pou tout manm kominote kanpis yo pou rapòte aksyon diskriminasyon, patipri, ak lahèn, ak pou administratè yo idantifye tandans k ap

enfòme nouvo politik yo, mezi pwogramasyon ak prevansyon yo. Aksyon enpòtan sa pa Gouvènè Hochul ak lidè lejislatif eta nou a ap bay yon lòt antidòt pou kontrekare ogmantasyon rayisans anti semitis ak lòt fòm rayisans ke n ap obsève nan vil, eta, ak nasyon nou an epi nou pa ka tann pou mete egzijans yo nan politik nou yo."

Senatè Eta, Toby Ann Stavisky, te deklare, "Nouvo Iwa a ap ede idantifye epi gen kantite rayisans sou kanpis inivèsite yo epi pèmèt nou abòde pwoblèm nan pi pyen. Lè yo idantifye kijan y ap rapòte epi swiv ensidan sa yo klèman, elèv yo ap gen aksè nan resous pou kanpis ke yo rele lakay yo. Inivèsite a se yon opòtinite pou jèn moun aprann de lòt kilti ak koutim yo. Nou dwe kontrekare rayisans ak edikasyon epi anseye yon nouvèl jenerasyon ke nou akonpli pi byen ansanm ke lè nou separe."

Manm Asanble Daniel Rosenthal te deklare, "Chak edityan gen dwa pou santi yo an sekirite epi pwoteje sou kanpis inivèsite yo. Nou pa ka otorize enstisyon edikatif yo pou vin azil pou anti semitis, patipri ak ostilite. Pwojè Iwa sa ap pèmèt piblik la reyalize si yon enstisyon endividiyèl gen yon pwoblèm patikilye — ak si administrasyon li a pran mezi ki apwopriye pou adrese li. Mwen apresye Gouvènè Hochul anpil dèské li siyen pwojè Iwa sa an Iwa."

Divizyon Sèvis Jistis Kriminèl Eta New York la se yon ajans sipò jistis kriminèl ki gen plizyè fonksyon ki gen divès responsabilite, ki gen ladan yo fòmasyon pou moun k ap fè respekte lalwa; koleksyon ak analiz done krim atravè tout eta; antretyen dosye enfòmasyon istwa kriminèl ak anprent; sipèvizon administratif baz done ADN eta a, an patenya avèk lapolis Eta New York la; finansman ak sipèvizon pou pwogram libète kondisyonèl ak koreksyon kominate yo; jesyon finansman jistis penal federal ak eta yo; sipò pou ajans ki gen rapò ak jistis kriminèl toupatou atravè eta; ak jesyon Rejis Delenkan Seksyèl eta a (State's Sex Offender Registry). Swiv ajans lan sou [Facebook](#) ak [Twitter](#).

Anplis Biwo pou Sèvis Viktim Eta New York la finanse plis pase 200 pwogram atravè Eta a ki bay sèvis, sipò ak asistans pou viktim krim rayisans yo ak lòt krim. Ajans lan kapab bay moun ki kalifye yo asistans finansye tou pou depans ki fèt akòz yo viktim krim rayisans oswa lòt krim. Vizite www.ovs.ny.gov/connect pou jwenn yon pwogram.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)